



UMAR TERCIUM BAU KENTUT

Dalam Kitab al-Turuq al-Hukmiah karya Ibnu Qayyim ada menceritakan bahawa, ketika Umar berada di rumahnya bersama Jarir bin Abdullah dan beberapa orang tetamu, Umar tercium bau kentut. Maka Umar berkata kepada mereka yang hadir, “Aku harap orang yang membuang angin segeralah untuk berwuduk.”

JARIR MEMBERI SARANAN KEPADA UMAR

Wahai Amirul Mukminin, alangkah baiknya jika semua yang hadir ini pergi mengambil wuduk,

Umar berkata, Semoga Allah merahmatimu. Sebaik-baik pemimpin pada saat jahiliyah adalah engkau. Dan sebaik baik pemimpin di masa Islam juga adalah engkau.

UMAR MEMUJI KEBIJAKSANAAN JARIR

Umar memuji kebijakan Jarir dalam menjaga aib para hadirin. Ini kerana jika semua yang hadir berwuduk, maka orang yang membuang angin tidak merasa malu.



HEBATNYA ORANG TERDAHULU

Begitulah hebatnya orang terdahulu. Mereka lebih sanggup menjaga air muka rakan-rakan dari membiarkan aib mereka terdedah. Walaupun dalam sekecil bab seperti kentut pun, orang seperti Jarir ingin menutup aib mereka. Bayangkan jika dalam perkara aib yang lebih besar sudah tentu Jarir akan lebih menjaga dan menutup aib sahabat itu.

PENGAJARAN



Sembunyikan aib rakan



Hendaklah cerdik dalam mengurus masalah

وَلَا تَتَّبِعُوا عَوْرَاتِهِمْ فَإِنَّهُ مَنْ يَتَّبِعْ عَوْرَاتِهِمْ يَتَّبِعْ اللَّهُ عَوْرَتَهُ

“Janganlah kalian mencari-cari ('aib) mereka. Ini kerana barang siapa yang mencari-cari kesalahan orang lain, maka Allah akan membongkar kesalahannya.”